

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-509/19
Vareš, 08.04. 2019. godine

Na osnovu člana 8. Zakona o ministarskim, vladinim i drugim imenovanjima u FBiH („Sl. novine FBiH“, broj: 12/03, 34/03 i 65/13), člana 8. Odluke o utvrđivanju standarda i kriterija za konačna imenovanja na pozicije u regulirane organe (prečišćeni tekst), broj: 01-50/13 od 18.02.2013. godine i 01- 178/13 od 20.06.2013. godine i člana 33. Statuta Općine Vareš- prečišćeni tekst, broj: 01-162/12 od 11.09.2012. godine, Općinski načelnik Općine Vareš r a s p i s u j e

JAVNI OGLAS
za izbor i imenovanje članova Nadzornog odbora u javnim preduzećima kojima je osnivač Općina Vareš

I. PREDMET JAVNOG OGLASA

Raspisuje se Javni oglas za izbor i imenovanje članova Nadzornog odbora u javnim preduzećima kojima je osnivač Općina Vareš, i to:

1. Javno komunalno preduzeće d.o.o. Vareš, tri (3) člana,
2. JP „Vareš-stan“ d.o.o. Vareš, tri (3) člana,
3. JP „Veterinarska stanica d.o.o.“ Vareš, tri (3) člana

II. OPIS POZICIJE

Nadzorni odbor ima sljedeće nadležnosti:

Nadzire rad uprave preduzeća, nadzire poslovanje preduzeća, priprema Poslovnik i predlaže ga skupštini, priprema Etički kodeks i predlaže ga skupštini, vrši izbor kandidata Odbora za reviziju i podnosi prijedlog za njegovo imenovanje skupštini, razmatra provedbeni propis za postupak nabavki i nadzire njegovo provođenje, daje mišljenje skupštini o prijedlogu uprave za raspodjelu profita, predlaže način pokrića gubitka, imenuje i razrješava članove uprave u skladu sa postupcima utvrđenim u Poslovniku, odnosno poslovnicama, te važećim propisima, daje ovlaštenja za aktivnosti koje su ograničene Zakonom o javnim nabavkama, daje upute direktoru za provođenje uviđaja u vezi sa uočenim nepravilnostima, usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije, podnosi skupštini godišnji izvještaj o poslovanju preduzeća koji obavezno uključuje izvještaj revizora, izvještaj o radu nadzornog

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



odbora i odbora za reviziju i plan poslovanja za narednu poslovnu godinu u okviru postojećeg i revidiranog plana, saziva skupštinu javnog preduzeća, nadzire upravu u provođenju preporuka datih od strane odbora za reviziju, te vanjskog revizora sa specifičnim rokovima, sistematski nadzor nad poslovanjem i zakonitošću poslovanja javnog preduzeća, redovito izvještavanje skupštine javnog preduzeća o svom radu, davanje instrukcija organima preduzeća radi otklanjanja nepravilnosti u radu, prisustvuje sjednicama skupštine javnog preduzeća i učešća u raspravi bez prava glasa, pregled poslovnih knjiga i dokumentacije javnog preduzeća i drugi poslovi predviđeni Zakonom.

III. MANDAT I NAKNADE

Mandat članova Nadzornog odbora je četiri godine, sa mogućnošću ponovnog izbora u skladu sa Zakonom.

Za rad u Nadzornom odboru imenovani imaju pravo na naknadu u skladu sa Odlukom o utvrđivanju visine naknade članovima organa upravljanja javnih preduzeća čiji je osnivač Općina Vareš, broj: 01-101/14 od 31.03.2014. godine i broj:01-269/ 17 od 28.12.2017. godine.

IV. UVJETI ZA POZICIJE

Kandidat za imenovanje na pozicije u reguliranim organima Općine Vareš mora ispunjavati sljedeće opće i posebne uvjete:

a) Opći uvjeti

- da su državljani Bosne i Hercegovine,
- da su stariji od 18 godina i da nisu stariji od 65 godina na dan imenovanja,
- da nije otpušten iz državne službe kao rezultat disciplinske mjere bilo na kojem nivou BiH, u periodu od tri godine prije objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava BiH),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
- da nema privatni/finansijski interes u Javnom preduzeću u kojem se kandiduje,
- da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH, ako se radi o konačnom imenovanju u organe javnih preduzeća,
- da nije osuđivan za krivična djela i za privredni prestup nespojive s dužnošću u instituciji – pravnom subjektu u kojoj se kandiduje pet godina od dana pravosnažnosti presude isključujući vrijeme zatvorske kazne,
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji – pravnom subjektu u kojoj se kandiduje,

b) Posebni uvjeti

- najmanje viša stručna sprema,
- najmanje tri godine radnog iskustva (nakon sticanja VŠS ili VSS),
- da nije predsjednik ili član nadzornog ili upravnog odbora u drugom pravnom licu sa većinskim državnim kapitalom,
- komunikativne i kreativne sposobnosti za savjesno, odgovorno i odlučno vođenje upražnjene pozicije,
- sposobnost nepristranog donošenja odluke,
- prilagodljivost timskom radu,

- sposobnost tumačenja ekonomskih, tehnoloških i pravnih analiza i propisa,
- rezultati rada ostvareni tijekom prethodnog radnog angažovanja,
- preporuke ranijih neposrednih rukovodilaca,
- poželjno poznavanje stranih jezika prema prirodi poslova koje treba obavljati,

V. POTREBNI DOKUMENTI

Uz prijavu na oglas kandidati su dužni dostaviti sljedeće dokumente:

- kraću biografiju sa ličnim podacima (ime i prezime, ime oca, broj telefona i adresu),
- izvod iz matične knjige rođenih,
- uvjerenje o državljanstvu (ne starije od 6 mjeseci),
- ovjerenu kopiju diplome o završenom stepenu i vrsti stručne spreme,
- uvjerenje o radnom iskustvu,
- ovjerena izjava o ispunjavanju uslova iz tačke IV pod a) alineje 3,4,5,6 i 7 i pod b) alineja 3, kao i tačke V alineja 7,
- certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala, **odnosno** ovjerenu izjavu kandidata da prihvata obavezu da usavršavanje obavi u roku utvrđenom Uredom o usavršavanju predsjednika i članova nadzornih odbora i uprava privrednih društava sa učešćem državnim kapitala,

Dokumenti koji se prilažu uz prijavu moraju biti dostavljeni u originalu ili ovjerenoj kopiji.

VI. PODNOŠENJE PRIJAVA

Dokaz da kandidat nije osuđivan za krivično djelo i za privredni prestup nespojive sa dužnošću u instituciji – pravnom subjektu u kojem se kandiduje, pet (5) godina od dana pravosnažnosti presude isključujući vrijeme zatvorske kazne, službeno će se zatražiti za kandidate koji budu predloženi za konačno imenovanje.

Oglas za podnošenje prijava ostaje otvoren 15 dana od dana objavljivanja oglasa i računa se od datuma posljednje objave.

Podnosioci prijava s kojima se ne stupi u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi mogli dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjua.

Nakon intervjua Komisija će putem pisane preporuke predložiti rang - listu sa najboljim

kandidatima i dostaviti je Skupštini javnog preduzeća na dalje razmatranje i konačno imenovanje.

Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se Skupštini javnog preduzeća, a kopija se dostavlja Ombudsmenu BiH.

Oglas će biti objavljen u Službenim novinama Federacije BiH, u jednom sredstvu javnog informisanja koji izlazi na području Bosne i Hercegovine, na web stranici Općine Vareš, na oglasnoj tabli Općine Vareš i oglasnim tablama javnih preduzeća kojima je osnivač Općina Vareš.

Nepotpune i neblagovremene prijave neće se uzimati u razmatranje.

Prijave za Javni oglas dostaviti u zatvorenoj koverti sa naznakom:

**„JAVNI OGLAS ZA IZBOR I IMENOVANJE ČLANOVA NADZORNOG ODBORA
U JAVNIM PREDUZEĆIMA KOJIMA JE OSNIVAČ OPĆINA VAREŠ
- NE OTVARAJ“**

(navesti naziv Nadzornog odbora javnog preduzeća na koji se prijava odnosi)

na sljedeću adresu:

**KOMISIJA ZA IZBOR U REGULIRANE ORGANE
OPĆINSKOG VIJEĆA VAREŠ
Ulica: Zvijezda br. 34
71330 VAREŠ**

OPĆINSKI NAČELNIK

Zdravko Marošević